

Raport Mujor për fondin Credins Pension

Fondi i Pensionit Privat Credins Pension synon optimizimin e kthimit nga investimi duke minimizuar riskun, me qëllimin për tu siguruar anëtarëve të Fondit të ardhura më të larta dhe të sigurta në moshën e pensionit. Portofoli i Fondit Credins Pension, do të përbëhet kryesisht nga obligacione afatgjata të Qeverisë së Republikës së Shqipërisë të denominuara në Lek, si dhe mjete monetare dhe ekuivalente të tyre në bankat e nivelit të dytë.

Data e raportit: 31.05.2025

Informacion për Fondin

Shoqëria Administruese e Fondit:	Credins Invest
Data e lançimit të fondit:	01 Janar 2012
Monedha e Fondit:	Lek

Fondi i adresohet investitorëve që kërkojnë një cilësi jete gjatë pensionit e cila nuk rezulton më e ulët sesa faza përpara daljes në pension.

Profil i rrezikut dhe përfitimit

Ecuria e normës së kthimit të Fondit varet nga lëvizja e normave të interesit të bonove dhe obligacioneve të Republikës së Shqipërisë. Historikisht këto norma kanë treguar luhatshmëri të ulët.

Rrezik i ulët				Rrezik i lartë		
Përfitimet tipike më të ulëta				Përfitimet tipike më të larta		
1	2	3	4	5	6	7

Fondi Credins Pension ka një profil rreziku në nivelin 1, pra risku më i ulët.

Të dhëna kryesore për Fondin

Vlera Neto e Aseteve	2,659,877,486.71
Çmimi i kuotës	1,790.3966
Numri i anëtarëve	19,290
Kthimi nga investimi (31.05.2024-31.05.2025)*	4.37%

* Tarifa e administrimit është zbritur përpara llogaritjes së kthimit nga investimi.

Karakteristikat e rrezikut të asetëve në Fond

Depozitat Bankare

Depozita Bankare si klasë asetë përmban rrezikun e kredisë së bankës dhe rrezikun e riçimitit në momentin e maturimit të saj.

Rreziku i riçimitit nënkupton uljen e normës së interesit kur depozita rivendoset me të njëjtin maturitet.

Obligacionet dhe Bonot Qeveritare

Këto asetë janë të emetuara nga Qeveria, agjencitë apo ndërmarrje të sponsorizuara nga Qeveria. Megjithatë, qeveritë nuk garantojnë

pagesën e interesit apo principalit. Obligacionet apo Bonot qeveritare janë subjekt i rrezikut nga normat e interesit dhe kanë nota krediti (“rating”) të ndryshme. Bonot përmbajnë rrezik nga interesat më të lartë se obligacionet me të njëjtën kohë deri në maturim.

Në 21 mars 2025, Agjencia Ndërkombëtare “Standard & Poor’s” përmirësoi vlerësimin për Shqipërinë në kategorinë ‘BB’ me perspektivë “të qëndrueshme”, nga kategoria ‘BB-’ që ishte vlerësuar në mars 2024, e cila ishte përsëri përmirësim prej vlerësimit ‘B+’ që qëndronte prej shumë vitesh. Gjithashtu, Agjencia Ndërkombëtare e vlerësimit “Moody’s” ka rishikuar vlerësimin e saj në datën 18 Tetor 2024, duke vlerësuar me rritje perspektivën e Shqipërisë nga “B1– me perspektivë pozitive” në “Ba3 – e qëndrueshme”. Rritja e vlerësimit të kreditit për Shqipërinë, përmirëson riskun e kreditit të asetëve të Fondit, duke qenë se asetet e Fondit investohen në instrumentet financiare që emetohet nga shteti shqiptar.


Kostot dhe Tarifat

Tarifa e Administrimit të Fondit mbahet nga asetet e Fondit. Tarifat që i janë ngarkuar Fondit deri në muajin maj 2025 janë si më poshtë:

Pagesa e hyrjes	0%
Pagesa e daljes	0%
Pagesa vjetore	Tarifa e Administrimit 2% në vit e Vlerës Neto të Aseteve
Kosto transaksioni	0 %
Tarifa e performancës	0%
Penalitetet në rast tërheqje të parakohëshme	Sipas Prospektit të Fondit ‘Credins Pension’

Shpërndarja e Instrumenteve si përqindje e Aseteve Totale

Shpërndarja e Instrumentave	ALL	%Aseteve
Obligacione	2,659,143,272.02	99.76%
Mjete monetare dhe ekuivalente të tyre	6,384,838.85	0.24%




Ankandet e titujve qeveritarë dhe normat e interesit

Qeveria e Republikës së Shqipërisë emeton letrat me vlerë në periudha relativisht të rregullta dhe të shpeshta. Në përputhje me materialet informuese të publikuara nga Ministria e Financave për vitin 2025, ankandet e obligacioneve 2-vjeçare, 3-vjeçare dhe 5-vjeçare zhvillohen çdo muaj. Ankandet e obligacioneve 7-vjeçare dy herë çdo tre muaj, 10-vjeçare dhe 15-vjeçare një herë në tre muaj, dhe 20-vjeçare kryesisht çdo 3 muaj.


Ecuria e yield-eve të Obligacioneve

Ecuria e normave afatgjata



Gjatë muajit maj, u zhvillua ankandi për obligacionin 15-vjeçar, i cili rezultoi me normë 5.57% nga 5.59% që ishte në shkurt 2025. Gjatë muajit maj nuk u zhvilluan ankande për obligacionet 10-vjeçare dhe 20-vjeçare.

Instrumentet e Portofolit sipas maturitetit të mbetur




Kthimi vjetor neto historik

Kthimet neto të Fondit nga themelimi deri më 31 Maj 2025 sipas periudhave të ndryshme janë paraqitur në tabelën e mëposhtme:

Periudha e qendrimit	Kthimi vjetor i periudhës
1 vjeçare	4.37% në vit
2 vjeçare	4.30% në vit
3 vjeçare	4.14% në vit
4 vjeçare	3.90% në vit
5 vjeçare	3.71% në vit
Që nga themelimi	4.43% në vit

Kthimi vjetor neto historik i 5 viteve të fundit



Asetet e Fondit Credins Pension do të investohen kryesisht në tituj afatgjatë 15 dhe 20 vjeçar të cilat kanë norma interesi më të larta.

Normat relativisht të larta të interesit të obligacioneve afatgjata kanë ndikim pozitiv për anëtarët e Fondit, pasi kontributet e tyre investohen me norma kthimi më të larta, gjë që rezultojnë në kthim më të lartë për Fondin në afat të gjatë.

Ligji i ri ‘Për fondet e pensionit privat’

Të nderuar Anëtarë të Fondit të Pensionit me pjesëmarrje të hapur “Credins Pension”,


Me shumë kënaqësi ju njoftojmë se Shoqëria Credins Invest sh.a.-Shoqëri Administruese e Fondeve të Pensionit Privat dhe Sipërmarrjeve të Investimeve Kolektive, ka përfunduar me sukses procesin e vlerësimit të përshtatshmërisë nga Autoriteti i Mbikëqyrjes Financiare (AMF), në përputhje me kërkesat ligjore dhe rregullatore në fuqi për veprimtarinë e fondeve të pensionit privat, sikurse jeni njoftuar edhe më parë.

Me Vendimin nr. 82, date 21.05.2025, Bordi i Autoriteti i Mbikëqyrjes Financiare ka miratuar përshtatshmërinë e Shoqërisë administruese dhe përshtatshmërinë e Fondit të Pensionit me pjesëmarrje të hapur “Credins Pension” duke vlerësuar përmbushjen e kriterëve të nevojshme për ushtrimin e kësaj veprimtarie në përputhje me kërkesat e ligjit nr. 76/2023 “Për fondet e pensionit privat” i cili ka hyrë në fuqi më datë 06.11.2023, dhe akteve nënligjore në zbatim të tij të miratuara nga Autoriteti i Mbikëqyrjes Financiare gjatë vitit 2024.

Si pjesë thelbësore e procesit të vlerësimit të përshtatshmërisë janë përfshirë edhe rishikimi i Prospektit të Fondit dhe i kontratave tip të anëtarësimit në Fondin e Pensionit me pjesëmarrje të hapur “Credins Pension”.

Ligji 76/2023 parashikon investime në instrumente financiare të cilat ligji i vjetër nuk i parashikonte, sic është “Tituj borxhi të emetuara nga bankat dhe institucionet financiare jo-banka jo të tregtuara në tregje të rregulluara” me kufizimin jo më tepër se 5% të vlerës së aktiveve të fondit. Për rrjedhojë, shoqëria ka shtuar këtë instrument të ri investimi, me synimin e diversifikimit të portofolit dhe mbajtjes së likuiditetit të përshtatshëm, në kontekstin e arritjes së një fitimi afatgjatë për sigurimin e aktiveve dhe të ardhurave në moshën e pensionit.

Për më shumë informacion rreth ndryshimeve kryesore të cilat afektojnë anëtarët e Fondit ‘Credins Pension’, jeni të ftuar të vizitoni faqen zyrtare të Shoqërisë www.credinsinvest.com, ku mund të lexoni njoftimin e plotë dhe Prospektin e Fondit.



Performanca e kaluar është vetëm për qëllime ilustruese dhe nuk është një udhëzues, premtim apo garanci për performancën e ardhshme. Për informacion shtesë, jeni të ftuar të lexoni Prospektin e Fondit si dhe të vizitoni faqen zyrtare të shoqërisë www.credinsinvest.com